

OHR pozdravlja odluku političkih stranaka i nezavisnih kandidata u Brčko Distriktu da potpišu izjavu o poštivanju pravila ponašanja tokom predizborne kampanje za oktobarske izbore

OHR pozdravlja jučerašnju odluku predstavnika svih političkih stranaka i nezavisnih kandidata koji će se kandidovati na oktobarskim izborima u Distriktu da potpišu izjavu o poštivanju pravila ponašanja kojom se obavezuju da će se oni i njihovi simpatizeri pridržavati standarda ponašanja u toku predizborne kampanje.

Supervizor za Brčko Susan R. Johnson je čestitala prisutnima u svom obraćanju strankama tokom potpisivanja izjave na sinoć održanoj ceremoniji. "Sve stranke koje su ovdje zastupljene su signalizirale da će se tokom kampanje usmjeriti na suštinska pitanja za stanovnike Brčkog umjesto da je zasnuju na negativnim sloganima i napadima na druge stranke i nezavisne kandidate", izjavila je supervizor Johnson.

Gradonačelnik Brčkog, gospodin Branko Damjanac, takođe je pozdravio inicijativu stranaka kojom će poštivati standarde ponašanja u toku kampanje i istakao: "Sada je na strankama i nezavisnim kandidatima da ispune obećanje dato građanima Brčko Distrikta da će voditi poštenu, nenasilnu i demokratsku kampanju". Takođe je najavio medijsku kampanju promovisanja izjave jer je izuzetno važno da se građani upoznaju sa izjavom i obavezama koje su stranke preuzele u vezi ponašanja tokom

kampanje.

U izradi teksta izjave pomogla je kancelarija Nacionalnog demokratskog instituta u Brčkom. Ova organizacija je provodila slične aktivnosti u državama centralne i istočne Evrope. "Na oktobarskim izborima u Distriktu, građani Brčkog će po prvi put da glasaju za svoje predstavnike, pošto članovi Skupštine i Vlade više neće biti imenovani nego birani. Stoga je vrlo važno da se ovi izbori pravilno provedu kako bi se građani Distrikta uvjerali da će njihovi izabrani predstavnici i nakon izbora moći nastaviti uspješno voditi Distrikt, i da će istovremeno biti u stanju odgovoriti na mnoge aktuelne probleme još uvijek prisutne u Distriktu", naglasio je rezidentni direktor NDI-a, gospodin Peter Dimitroff.

Političke stranke i nezavisni kandidati koji su potpisali izjavu su:

Brčanska demokratska stranka	Stranka demokratskog centra
Demokratski narodni savez	Socijaldemokratska partija
Demokratska stranka	Srpska demokratska stranka
Hrvatska demokratska zajednica	Socijaldemokratska unija BiH
Hrvatska stranka prava BiH	Savez nezavisnih socijaldemokrata
Hrvatska seljačka stranka	Srpski pokret obnove
Liberalno demokratska stranka	Socijalistička partija RS
Nova hrvatska inicijativa	Stranka penzionera-umirovljenika BiH

Partija demokratskog progresa	Srpski radikalni savez dr. Vojislav Šešelj
	Srpska radikalna stranka
Stranka za Bosnu i Hercegovinu	Anto Pranjković
Stranka demokratske akcije	Ševalija Tanjić